



BASES REGULADORAS DAS MEDIDAS DE APOIO ÁS FAMILIAS E MENORES PARA OS AGASALLOS DE NADAL DESTINADAS A PALIAR O IMPACTO ECONÓMICO, SOCIAL E LABORAL, DERIVADO DA CRISE SANITARIA PROVOCADA POLO COVID- 19

A situación de alerta sanitaria provocada polo COVID-19, determinou a aprobación do Real Decreto 463/2020, de 14 de marzo, a través do cal o Goberno de España declarou o Estado de Alarma para a xestión da crise sanitaria ocasionada polo COVID-19, e no se que se recolleron unha serie medidas e restricións para o conxunto da sociedade, encamiñadas a frear o avance da enfermidade intentando garantir a protección e cobertura sanitaria da cidadanía fronte ó avance do COVID 19.

Dita situación continua coa promulgación do Real Decreto 926/2020, de 25 de outubro, polo que se declara o estado de alarma para conter a propagación de infeccións causadas polo SARS-CoV-2 (BOE núm. 282, de 25-10-2020) do Ministerio da Presidencia e Relacións coas Cortes e Memoria Democrática, así como pola autoridade competente delegada, polos Decretos da Presidencia de Xunta de Galicia 178/2020 de 20 de outubro, Decreto 179/2020, do 4 de novembro, Decreto 181/2020, do 9 de novembro e Decreto 182/2020, do 13 de novembro.

As medidas adoptadas en canto ó confinamento cidadán e a paralización da actividade de moitos sectores produtivos, inciden directamente na socioeconomía e no benestar das familias.

Dende o Concello de Valdoviño considérase imprescindible a posta en marcha de accións que dende o ámbito público, poidan contribuir a paliar as dificultades que derivadas desta situación, están a padecer as familias para soportar certos gastos nos seguintes meses. Así anteriormente impulsouse unha liña de axudas para familias en relación ao apoio ao estudo, ao transporte e á formación profesional e mediante o presente documento búscase dar apoio para as familias na adquisición de agasallos de Nadal.

ARTIGO 1.- OBXECTO E FINALIDADE

O obxecto destas Bases consiste en regular as normas polas que rexerá a convocatoria pública de axudas a conceder polo Concello de Valdoviño, coa finalidade de paliar o impacto socioeconómico nas familias, derivado da crise sanitaria ocasionada polo COVID-19.

A finalidade destas axudas é garantir que todos os nenos e nenas poidan ter agasallos de Nadal, apoiando a situación económica na que se atopan algunhas familias.

ARTIGO 2. RÉXIME XURÍDICO.

O marco normativo está constituído polas seguintes leis e disposicións legais que se nomean a continuación e polas súas normas de desenvolvemento, así como cantas outras normas legais ou regulamentarias, conteñan prescricións relativas ás subvencións ou sexan susceptibles de produciren efectos no devandito ámbito:

- Lei 7/1985, do 2 e abril, reguladora das bases de réxime local e RD 2568/1986, de 28 de novembro polo que se aproba o Regulamento orgánico de funcionamento e réxime xurídico das entidades locais
- Lei 5/1997, do 22 de xullo, de administración local de Galicia.
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración Local.
- Lei 38/2003, do 17 de novembro, xeral de subvencións xunto co RD 887/2006, do 21 de xullo, polo que se aproba o seu regulamento
- Lei 9/2007, do 13 de xuño, de subvencións de Galicia
- Lei 39/2015, de 1 de outubro, do procedemento administrativo común das administracións públicas.
- Bases de execución do orzamento municipal do 2017 prorrogado para o exercicio 2020.
- Así mesmo, están sometidas ao réxime de minimis, regulado polo Regulamento (UE) 1407/2013, de 18 de decembro, da Comisión, relativo á aplicación dos artigos 107 e 108 do Tratado de Funcionamento da Unión Europea ás axudas de minimis (DOUE L352 de 24 de decembro de 2013).

A xestión destas subvencións suxeitarase aos principios de publicidade, concorrencia, transparencia, obxectividade, igualdade e non discriminación, así como á eficacia no cumprimento de obxectivos e eficiencia na asignación e utilización dos recursos públicos

ARTIGO 3. FINANCIAMENTO.

A contía destinada a atender estas subvencións ascende a un importe total de 3000 €. O financiamento destas axudas efectuaranse con cargo aos orzamentos municipais do exercicio 2020 na aplicación orzamentaria: 2020.231.48000.

No caso de que finalizado o prazo de solicitude se tiveran presentado un número de solicitudes para o que non foran dabondo as contías inicialmente consignadas, poderanse ampliar os créditos ata a cobertura do maior número delas posible. No caso de non ser posible a ampliación do crédito, procederase a realizar un reparto igualitario entre as familias solicitantes, podendo reducir a cantidade inicialmente concedida ata un importe de 40 euros. No caso de que aínda facendo a dita redución non sexa suficiente o crédito para atender á demanda de solicitudes, non se fará tal redución e utilizarase o criterio de priorizar ás familias con menores ingresos.

ARTIGO 4. PROCEDEMENTO

a) Instrución e órgano instrutor

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que debe pronunciarse a proposta de resolución, será o persoal técnico do Departamento de Servizos Sociais. O órgano instrutor formulará a proposta de resolución provisional, na que expresará o cumprimento dos requisitos e a relación nominal dos/as solicitantes para a concesión das axudas. Na instrución serán tidos en conta outros feitos ou datos distintos dos achegados polos/as interesados/as ou se non se achega toda a

documentación requirida para solicitar estas axudas, concederase un prazo de cinco días para que presenten as alegacións que estimen pertinentes e/ou a documentación requirida. Á vista das alegacións e/ou documentación presentadas, o órgano instrutor formulará a proposta de resolución definitiva.

De non presentarse alegacións, ou no caso de que este trámite non fose necesario con arranxo ao parágrafo anterior, a proposta de resolución provisional terá automaticamente o carácter de proposta de resolución definitiva.

b) Resolución

O órgano competente para a concesión das axudas será a Xunta de Goberno Local.

O acordo de concesión ou denegación será motivado, quedando constancia no expediente dos fundamentos da resolución que se adopte. As axudas concedidas publicaranse no Taboleiro de Anuncios do Concello e na web municipal.

A modificación de calquera das circunstancias que se tiveran en conta para a concesión das mesmas, que deberá ser posta en coñecemento do Concello, poderá dar lugar á modificación da resolución.

ARTIGO 5: LIÑAS SUBVENCIONABLES

1. 1. Xogos e xoguetes (0- 18 anos): xoguetes, libros, xogos educativos ou de mesa, libros, quebracabezas, e/ou material musical ou deportivo, ou calquera que se corresponda coa idade do/a menor ao que vai dirixida a axuda e nos termos establecidos nas presentes bases.

1.2. Aparatos tecnolóxicos e roupa (13-18 anos): roupa, uniformes deportivos, aparatos tecnolóxicos como reloxos, videoxogos, teléfonos, que sexan axeitados para esa franxa de idade.

ARTIGO 6. PERSOAS BENEFICIARIAS

6.1 Persoas beneficiarias

Poderán solicitar esta subvención, as persoas físicas pai, nai, titor/a ou familias acolledoras de un/unha ou varios menores, coas características requiridas nas diferentes liñas subvencionadas.

6.2 Requisitos das persoas beneficiarias

- Ter fillos ou fillas menores de idade e ter empadroamento no Concello de Valdoviño.
- Estar ó día no pago das obrigas tributarias co Concello de Valdoviño.
- Cumprir os requisitos establecidos no artigo 13 da Lei 38/2003 do 17 de novembro, xeral de subvencións.
- Non superar os ingresos que establece o baremo económico do artigo 6.
- Contar coa condición de familia en situación especial. *(Terán a consideración de casos especiais aqueles que, por razón de necesidade, precariedade ou urxencia, se atopen nunha situación de risco e/ou desprotección, sendo necesario nestes casos un informe da traballadora social ou da educadora familiar do Concello, co visto e prace da Concelleira de Servizos Sociais.)*

6.3. Contía das axudas

As contías das subvencións quedarán fixadas de acordo co seguinte baremo:

CONTÍA ÚNICA
50,00 €

6.4. Obrigas das persoas beneficiarias

As persoas beneficiarias terán as seguintes obrigas ante o Concello de Valdoviño:

- a) Cumprir a actividade obxecto da subvención, é dicir, realizar o gasto nos conceptos sinalados no artigo 5.
- b) Acreditar o cumprimento da finalidade da subvención, coa presentación do xustificante dos artigos mercados.
- c) Someterse ás actuacións de comprobación e control financeiro do Concello de Valdoviño
- e) Cumprir con calquera outra obriga disposta no artigo 14 da Lei xeral de subvencións.

O incumprimento dalgunha destas obrigas poderase resolver co reintegro da subvención

6.5 Criterios de valoración económica

Nº PERSOAS UNIDADE DE CONVIVENCIA	INTERVALOS IPREM	CAPACIDADE ECONÓMICA ANUAL
2	Menor ou igual que o 1,8 do IPREM	11617,34
3	Maior que o 1,8 do IPREM e menor ou igual que o 2,3 do IPREM	11617,34- 14844,38
4	Maior que o 2,3 do IPREM e menor ou igual que o 2,8 do IPREM	14844,38- 18071,42
5	Maior que o 2,8 do IPREM e menor ou igual que o 3,3 do IPREM	18071,42- 21298,46
6	Maior que o 3,3 do IPREM e menor ou igual que o 3,8 do IPREM	21298,46- 24525,50

**Terase en conta o límite máximo de cada fila (segundo nº membros) para o cumprimento do requisito económico.*

6.5.1. Consideracións da unidade familiar

A efectos destas axudas, considérase unidade familiar a formada polo pai, nai, titor/a ou persoa encargada da garda e protección da/o menor, así como os fillos e fillas, tendo tamén esta consideración os fillos/fillas aportados á unidade familiar por algún membro da parella e que consten empadroados nese domicilio. Tamén se considerará como membros da unidade familiar as parellas do pai, nai, titor/a do neno/a, sempre que convivan no domicilio familiar.

A estes efectos, considérase o domicilio familiar das nenas ou nenos beneficiarios o que figura no padrón de habitantes.

6.5.2. Renda familiar

Para calcular os ingresos totais, teranse en conta todos os ingresos dos membros da unidade familiar.

Para a comprobación da renda terase en conta o último exercicio fiscal dispoñible. A renda anual da unidade familiar será a suma do establecido na base imponible xeral e do aforro que consten na/s correspondente/s declaración/s do IRPF do último exercizo presentado.

Nos casos en que non exista obriga de presentar declaración do IRPF, tomaranse os datos reflectidos no certificado de renda emitido pola AEAT.

No caso de que algún dos fillos/as teña recoñecido un grado de discapacidade superior ó 33% e sexa economicamente dependente dos seus proxenitores computará como dous membros.

6.6 Solicitud e documentación necesaria

As solicitudes formularanse mediante instancia subscrita pola persoa interesada (pai/nai/titor/a legal) segundo o modelo específico para iso (**ANEXO I**). A presentación de dita solicitude comportará a autorización ao órgano xestor para a comprobación dos datos que constan na mesma ante os organismos ou entidades correspondentes.

Para as familias que solicitaron anteriormente as axudas para as medidas de apoio ás familias e menores para material escolar e transporte, só terán que presentar a documentación que sufrira modificacións.

No caso de non ter solicitado previamente esta axuda, cada solicitude deberá ir cuberta na súa totalidade e acompañada da seguinte documentación:

- 1)Solicitud da axuda
- 2)Fotocopia do DNI dos membros da unidade familiar maiores de idade.
- 3)Fotocopia do libro de familia.
- 4)Xustificantes de ingresos dos membros da unidade familiar do ano 2019 (declaración da renda de todos os membros se non é conxunta ou certificado de datos fiscais emitido pola Axencia Tributaria
- 5)Copia acreditativa de discapacidade /dependencia dalgún membro da unidade familiar
- 6) Declaración responsable de cumprir cos requisitos establecidos no artigo 13 da Lei 38/2003, do 17 de Novembro, Xeral de Subvencións (*Asinar na solicitude*).

Artigo 8. Lugar e prazo de presentación de solicitudes

As solicitudes e a documentación requirida presentaranse no Rexistro Xeral da Casa do Concello de Valdoviño de luns a venres en horario de 9:00 a 14:00 horas, ou a través das formas establecidas no artigo 16.4 da Lei 39/2015, de 30 de outubro, do Procedemento Administrativo Común das Administracións Públicas.

O prazo de presentación de solicitudes permanecerá aberto dende o día 20 de novemebro ata o 4 de decembro (ambos inclusive).

Artigo 9. Documentación para a xustificación

A xustificación da axuda farase coa presentación no Rexistro xeral do Concello dos seguintes documentos:

- Solicitud de xustificación (**ANEXO II**)
- Acreditación da realización do gasto, cos correspondentes xustificantes.

Artigo 10. Prazo de xustificación do gasto

O prazo de presentación no Rexistro xeral dos documentos xustificativos será do día 8 ao 18 de xaneiro de 2021.

As familias deberán presentar xustificantes de compra e os conceptos deberán aparecer suficientemente claros e descritos para a adecuada verificación da correspondencia cos conceptos subvencionables detallados no artigo 5 das bases reguladoras.

De non presentar a xustificación dentro do prazo establecido nestas bases, ou non xustificar de forma motivada e por escrito dentro do mesmo prazo, entenderase que a subvención non está xustificada e haberá que proceder ao reintegro da axuda.

Artigo 11. Procedemento para canxear o vale para a adquisición de regalos.

Concederáse un vale persoal e intransferible para canxear no establecemento correspondente, tal e como se indica nos parágrafos seguintes.

Unha vez que a persoa solicitante estea en posesión do vale, poderá adquirir os regalos nos establecementos que se recollen a continuación e polo importe máximo que figura no documento.

- Cooperativa de Meirás (Valdoviño)
- Cooperativa de Lago (Valdoviño)
- Cooperativa de Vilaboa (Valdoviño)
- Mercería (Valdoviño)
- Electrodomésticos Nito (Valdoviño)
- Librería Xeila (Valdoviño)
- Xoguetería Din Don (Narón)
- Xoguetería Muíño do Fabal (Narón)
- Sprinter deportes (Narón)
- ...

Se o importe fora superior ao valor do vale, a diferenza sera aboada polo/a solicitante.

A persoa beneficiaria do vale terá de prazo ata o 31 de decembro de 2020 para a súa presentación e canxe no establecemento correspondente.

A admisión por parte dos establecementos dos vales presentados implica a aceptación das condicións das presentes bases.

Posteriormente os establecementos presentarán factura no Concello polos vales canxeados.

Artigo 12. Incumprimentos das obrigas por parte das persoas beneficiarias das axudas

Se os/as beneficiarios/as das axudas, non cumprisen coas obrigas establecidas nestas bases, terían que reintegrar a subvención percibida, ao igual que terían que reintegrar a subvención no suposto que se producisen modificacións na súa situación durante o período de solicitude de axudas que determinasen que non cumpren os requisitos para ser beneficiarios/as de subvencións .

Artigo 13. Disposición adicional

Para o non previsto nesta convocatoria, será de aplicación o disposto na Lei 9/2007 de 13 de xuño de Galicia, xeral de subvencións

Artigo 14. Confidencialidade

Segundo o disposto Lei Orgánica 3/2018, de 5 de decembro, de Protección de Datos Persoais e garantía dos dereitos dixitais e no artigo 6.3.f da Lei 13/2008, de servizos sociais de Galicia, garantiráselle ás persoas usuarias dos servizos sociais o dereito “ á confidencialidade, ao sixilo e ao respecto con relación aos seus datos persoais e coa súa información que sexa coñecida polos servizos sociais en razón da súa intervención profesional...”.

Artigo 15. Publicidade

O concello de Valdoviño dará publicidade da presente convocatoria e bases por bando municipal, no taboleiro da Casa do Concello e na web municipal.